

## LOU BASTIMEN

Lou bastimen vèn de Maiorco  
 Emé d'arange un cargamen :  
 An courouna de vèrdi torco  
 L'ubre-mèstre dòu bastimen ;  
 Urousamen  
 Vèn de Maiorco  
 Lou bastimen.

Lou bastimen es de Marsiho,  
 Un fin lahut bèn réüssi ;  
 La mar se courbo e tèn sesiho  
 Davans soun bos qu'es benesi,  
 Car, Diéu-meic !  
 Es de Marsiho  
 E benesi...

Es un marin qu'a fa fourtuno  
 Lou capitani dòu veissèu :  
 Counèis lis Indo uno pèr uno,  
 Counèis la mar emai lou cèu ;  
 Es un aucèu  
 Qu'a fa fourtuno  
 Entre aigo e cèu.

Pèr touto escolo es esta mòssi ;  
 Mai a manja de broufounié.  
 S'aubourè lèu entre li sòci,  
 E venguè mèstre timounié ;  
 Franc mariné,  
 Es esta mòssi  
 E timounié.

Èro brounza, mai poulit ome,  
 Quand davalè dòu trepadou ;  
 Raubè la fiho d'un prudome,  
 D'un vièi prudome pescadou :  
 Au terradou  
 Tournè bon ome,  
 Bon pescadou.

Pièi de la doto de sa femo  
 Un bèu lahut se bastiguè,  
 Car di palangre emai di remo  
 Lèu fuguè las, e partiguè.  
 — Adiéu, diguè,

## LE BATIMENT

Le bâtiment vient de Majorque  
 — avec un chargement d'oranges ;  
 — on a couronné de guirlandes  
 vertes — l'arbre-maître du bâti-  
 ment ; — heureusement — de Ma-  
 jorque arrive — le bâtiment.

Le bâtiment est de Marseille,  
 — fine tartane bien réussie ; la  
 mer se courbe et reste calme —  
 devant son bois qui est béni, —  
 car, Dieu merci ! — il est de Mar-  
 seille — et béni.

C'est un marin qui a fait for-  
 tune — le capitaine du navire :  
 — il connaît bien toutes les In-  
 des, — il connaît lamer et le ciel ;  
 — c'est un oiseau — qui fit for-  
 tune — entre eau et ciel.

Pour toute école il a été mousse ;  
 — mais il a mangé du gros temps ;  
 — il s'éleva vite entre les cama-  
 rades, — et devint maître timonier ;  
 — en vrai marin, — il a été  
 mousse — et timonier.

Il était bronzé, mais superbe.  
 — lorsqu'il descendit du tillac ;  
 — il enleva la fille d'un prud'-  
 homme, — d'un vieux prud'homme  
 pêcheur : — dans son pays — il  
 revint brave, — et bon pêcheur.

Puis avec la dot de sa femme —  
 il se bâtit un beau navire, — car  
 de pêcher et de ramer — il fut  
 bientôt las, et il repartit. — « Adieu